

Ilaqtariinnermut Peqqissutsimullu Naalakkersuisoq

Landstyremedlem for Familie og Sundhed



Demokraatit

Att.: Inatsisartunut ilaasortaq Jørgen-Ole Nyboe Nielsen

Pineqartoq: Eqqarsartaatsikkut nappaatilinnut tunngatillugu Naalakkersuisunut apeqquteqaat

Ulloq/Dato: 15.12.2008
J.nr.

Asasara Jørgen-Ole Nyboe Nielsen

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Eqqarsartaatsimikkut nappaatilinnut tunngatillugu apeqquteqaatit matumuuna Naalakkersuisut sinnerlugit akissuteqarfigissavakka.

Aallaqqaasiutigalugu erseqqissaatigissavara tassalu Dronning Ingridip Napparsimavissuaniit paasissutissiineq naapertorlugu meeqqanut inuusuttunullu eqqarsartaatsimikkut nappaatilinnut aningaasaliisarnermut tunngatillugu taakkua angalatinneqartarnerannut aningaasaliissutaasartut sipaarniarfigineqanngimmata tamanna 2006-imi, 2007-imi 2008-imiluunniit aamma pisimangilaq. 2007-imi 2008-imilu tarnip pissusaanik ilisimasalimmik inuusuttunik sullissisumik immikkut angalatitsisoqarpoq.

2007-imi illoqarfiit minnerusut sisamat 20-it ataallugit inersimasunik eqqarsartaatsikkut nappaateqartunik napparsimasortallit siunnersuisumit tikeraarneqanngillat. 2008-imi illoqarfiit tamarmik siunnersuisumit tikinneqarput, napparsimasut 20-it sapaatip akunnerata missaani sullinneqartarlutik.

Napparsimasut 2006-imi, 2007-imi aamma 2008-imi katsorsartinnerminnit naammassisut amerlassusaat pillugit arlalinnik apeqquteqartoqarpoq. Peqqinnissaqarfiup paasissutisseeriaasia naapertorlugu apeqquteqaatigineqartut immikkuutaaqqissaarlugit akissuteqarfiginissaannut periarfissaqanngilaq.

Ataatsimulli isigalugu inersimasunut eqqarsartaatsimikkut nappaatilinnut tunngatillugu unittussanik qulaajaaffigisassanilluunniit utaqqisoqanngilaq, aggersaanissamut piffissaq allaffissornikkut atorneqartartoq eqqaassanngikkaanni. Napparsimasut innersuunneqartut tamarmik qaammatip ataatsip marlulluunniit ingerlanerini aggersarneqartarput qulaajaaffigineqarlutillu.

Meeqqanik 14-nit ataallugit ukiulinnik misissuisarneq nappaammillu suussusersiuisarneq katsorsaasarnerlu.

Tamanna aggersaanerinnakkut pisarpoq. Neqeroorut eqqarsartaatsimikkut nappaatilinnut immikkoortortami Nuummi neqeroorutigineqartarpoq sinerissamilu meeqqanut eqqarsartaatsikkut nappaatilinnut siunnersuisartuq tarnillu pissusaanik ilisimasalik aqutugalugit pisarluni. Ukiumut ataasiaannarluni sinerissamut angalasoqartarmat, meeqqap innersuunneqartup siunnersuisartup tikeqqinnissaanut misissortinnissaminut, nappaammi suussusersineqarnissaanut katsorsarneqarnissaminullu utaqqinissani naatsorsuutigisariaqartarjaa.

Inuusuttunik misissuisarneq nappaammillu suussusersuisarneq katsorsaasarnerlu.

Unittussanik utaqqisoqanngilaq kiisalu 2007-imi aasaaneraniit Nuummut aggersartilluni misissortinnissamut katsorsartinnissamullu utaqqisuniittoqarani. Inuusuttunut sinerissamiittunut eqqarsartaatsikkut nappaateqarnermut imaluunniit tarnip pissusaanik ilisimasalimmit misissortinnissamut neqeroorut 2007-imi aamma 2008-imi pisariaqartitsisoqarneranik misissuineq tunngavigalugu, annertusineqarpoq.

Meeqqat nappaammik suussusersiortittussat katsorsartittussallu amerliartorneri, Naalackersuisunit eqqumaffigineqarput. 2008-imi ukiakkut Inatsisartut ataatsimiinneranni, Naalackersuisut saqqummiussinerminni nassuiaatigisassaata unammillernartuq.

Napparsimasut eqqarsartaatsikkut nappaamminnik katsorsartittut ullumikkut 18-it Risskovimi uninngapput.

Eqqarsartaatsimikkut nappaatilinnut immikkoortortamiit eqqarsartaatsimikkut napparsimasut angerlatinneqartartut, qassit angerlarsimaffeqannginnersut nalunaarsorneqarneq ajorput. Kisianni ukiumut ataasiusinnaasoq marluusinnaasulluunniit Eqqarsartaatsimikkut napparsimasunut immikkoortortamiit eqqoriarneqarpoq

Eqqarsartaatsikkut nappaatilittut angerlarsimaffeqanngitsuulluni, katsorsaasarneq ataatsimut isigalugu tamatuma qanoq kinguneqartarsimanageranik tikkuussisinnaasumik Naalackersuisut tunaartassaaleqisinnaapput, tamatumuunami paasissutissanik katersisoqarnikuunngimmat. Taamaattorli Naalackersuisut isumaqarput, angerlarsimaffeqannginneq eqqarsartaatsikkut nappaatilimmut aamma nanertuutaasartuq. Eqqarsartaatsimikkut nappaatillit annertuumik ajornartorsiutillit, katsorsaanerup attatiinnarnissaa artorsaatigisarpaat.

Napparsimasut katsorsarneqarneri aalajangiusimaniarlugit uninngareerluni angerlalerneermi najukkami eqqarsartaatsikkut nappaatilinnut immikkoortortamut innersuussisoqarsinnaavoq, katsorsaanerup aallartinneqartup ingerlaneranik katsorsartittumik malinnaaviginnittussanut eqqarsartaatsikkullu nappaatillip suleqatigineratigut inuttut atukkatigut iliuuseqarfingineqarnissaata aallunneqarnissaa qulakkeerniarlugu sullissisussanut.

2008-imi ukiakkut Inatsisartut ataatsimiinneranni Kalaallit Nunaanni angerlarsimaffeqanngitsut pillugit nalunaarussiaq Ilaqutariinnermut Peqqissutsimullu Naalackersuisoqarfiup tunniuppaa. Nalunaarussiaq angerlarsimaffeqanngitsut

qanoq amerlatigisinnaaneranik tikkuussivoq. 2009-ip ingerlanerani ajornartorsiut tamanna Naalakkersuisoqarfiup suliaralugu nangeqqinniarpaa.

Inussiarnersumik inuulluaqqusillunga

Naja Petersen
Ilaqtariinnermut Peqqissutsimullu Naalakkersuisoq